

ODLUKU

o osnivanju Grupacije poslodavaca za djelatnost poslovnih servisa i IT pri Udruženju poslodavaca u Federaciji Bosne i Hercegovine

Član 1.

Ovom Odlukom osniva se Grupacija poslodavaca za djelatnost poslovnih servisa i IT pri Udruženju poslodavaca u Federaciji Bosne i Hercegovine (u daljem tekstu: Grupacija), kao organizacioni oblik djelovanja članova Udruženja poslodavaca u Federaciji Bosne i Hercegovine.

Član 2.

Naziv Grupacije glasi:

Grupacija poslodavaca za djelatnost poslovnih servisa i IT pri Udruženju poslodavaca u Federaciji Bosne i Hercegovine.

Član 3.

Osnovni ciljevi i aktivnosti Grupacije su:

- zaštita prava i interesa članova iz oblasti poslovnih servisa i IT djelatnosti,
- praćenje i unapređenje poslovnog i regulatornog okruženja,
- unapređenje konkurentnosti i digitalne transformacije privrede,
- razvoj i promoviranje poslovnih odnosa i savremenih digitalnih rješenja,
- razvoj i promoviranje primjene profesionalnih i etičkih standarda,
- zastupanje interesa članova pred organima vlasti i drugim institucijama,
- učešće u postupcima pripreme i donošenja zakonskih i podzakonskih propisa od značaja za sektor,
- saradnja sa domaćim i međunarodnim organizacijama i institucijama,
- pokretanje inicijativa, projekata, edukacija i stručnih aktivnosti od interesa za članove iz ove djelatnosti,
- razmjena informacija, iskustava i dobrih praksi među članovima,
- kao i druge aktivnosti od značaja za razvoj sektora poslovnih servisa i IT djelatnosti.

Član 4.

Grupacija djeluje kao stručno, konsultativno i koordinaciono tijelo unutar Udruženja poslodavaca u Federaciji Bosne i Hercegovine.

Grupacija nema svojstvo pravnog lica i djeluje u okviru nadležnosti i organizacione strukture Udruženja.

Član 5.

Radom Grupacije rukovodi predsjednik Grupacije kojeg imenuje Upravni odbor Udruženja poslodavaca u Federaciji Bosne i Hercegovine.

Predsjednik Grupacije koordinira rad Grupacije, saziva sastanke i predstavlja Grupaciju u okviru aktivnosti Udruženja.

Član 6.

Organizacija i način rada Grupacije bliže će se urediti Poslovnikom o organizaciji i radu Grupacije.

Član 7.

Sjedište Grupacije je u sjedištu Udruženja poslodavaca u Federaciji Bosne i Hercegovine.

Član 8.

Ova Odluka stupa na snagu danom donošenja.

P R E D S J E D N I K U O
Nihad Imširović